

parte ad apertus, uerum elatiorem ipsius costam uti naturaliter se habet integram, & quarta circuli partis modo extuberantem ostendens.

D, D, D Duo inuicem apposti ductus, uenarum modo in duram cerebri membranam secundum ipsius uniuersum latus excurrentes.

E Ductus duræ cerebri membranae in quem sexta caluariæ ingrediens uena exhauritur.

F, F, F His characteribus uenula indicatur, a dura cerebri membrana per caluariæ foraminula ad capitis cutem, membranasque caluariam succingentes, transmissæ, quarum frequentiores & crassiores iuxta F maxime latitantis sedem plerumque obseruantur.

G, G, G Portiuncule fibrarum a dura membrana per coronalem suturam ad caluariam succingentis membranae constitutionem profluentium.


H, H Portiuncule fibrarum quibus sagittalis sutura uiam offert.

I, I Hi quoque characteres in umbra occipitij regionis latitant, sedem notantes, a qua fibrae porriguntur per suturam A Græcorum similem, ad caluariæ inuolucrum constitutione deductæ.

K Vnum tuberculū eorum quæ inæqualibus caluariæ sinibus plerumque iuxta sagittalis suturæ cū coronali coitū cōspiciunt, adnasci solent. Caput ex quo hanc primam depinximus figuram, tribus eius generis donabatur tuberculis, quorum unum K insigniuimus, & utrinque ad H unū quoque se offert.

L Cautitas frontis ossi iuxta superciliorum sedem propria, quæ inter secandum subinde aperitur, si quando frontis os non procul a supercilijs serra diuiditur.

SECUNDA SEPTIMI LIBRI FIGURA.



SECUNDÆ FIGURÆ, EIVSDEMQUE CHARACTERUM Index.

PRÆSENS figura sectionis serie primam subsequens, tertium duræ membranae sinum (quem prima figura C aliquot insignitum gerit) longa sectione secundum capitis longitudinem ducta ad apertum commonstrat. Insuper ad huius tertij sinus latera, per capitis quoque longitudinem duas deduxi sectiones, utrinque nimirum ad sinum singulas, quæ duram membranam dumtaxat penetrarunt, & duræ membranae latera ab ea membrana separarunt parte, quæ dextram cerebri partem a sinistra dirimit, atque in subsequenti figura tribus D insignietur. Præter tres iam commemoratas sectiones utrinque aliā quoque molitus sum, quæ ab aure ad uerticem pertingens, solam

solā quoque durā diuisit membranā, ut illa postmodum apte a tenui membrana cerebri posset deduci, deorsumque (ut hic factū cernis) reflecti. Occurrit itaque hic tenuis cerebri membrana prorsus illæsa, cerebroque proximè obducta, & uasorum ipsius seriem in hætenus denudata regione, eleganter commonstrans.

A, A, A Elatior sedes duræ membranae, partis dextram & sinistram cerebri partes intercedentis, atque hæc sedes A & A notata, tertij duræ membranae sinis costæ est caluariam cōtingens, & hic per medium dissecta.

B, B Tertij duræ membranae sinis cauitas hic est in propatulo.

C, C Orificia, uasorumque initia ex tertio duræ membranae sinu in tenuem membranā pertinentia. atque hic uasorum orificia in cōspicuo sunt, a læuo huius sinis latere in tenuis membranae partem pertinentium, quæ sinistrae cerebri sedi obuoluitur. Orificia autem a dextro latere pronata, hic non cōspiciuntur, uerum initia occurrunt uasorum in tenuem membranā, quæ dextræ cerebri sedi obuoluitur propagatorum, ac D, D, & D insignitorum.


E, E, E Tenuis membrana cerebrum inuestiens.

F, F, F Ductus, uasulæ in tenui membrana secundum cerebri inuolutionum seriem excurrentia.

G, G, G Propagines notantur a ductibus secundum duræ membranae latera excurrentibus, atque in prima figura aliquot D notatis, in tenuem membranā pertinentes.

H, H, H Duræ membranae portiones a tenui membrana diuulsæ, & deorsum reflexæ.

TERTIA SEPTIMI LIBRI FIGURA.



TERTIÆ FIGURÆ, EIVSDEMQUE CHARACTERUM Index.

IN præsentī figura a tota cerebri parte supra sectionem cōsistente, quam orbiculatim serra in caluariā molitur, utranque cerebri membranā, tenuem nimirum & duram auulsimus, ac duræ membranae portiones, dextram cerebri partem a sinistra dirimentes, atque in secunda figura adhuc in sua sede seruatas, ab osseo diuisimus septo, quo odoratus organorum sinis distinguuntur, atque hanc partem, ut ipsius effigies in conspectū ueniret, super sinistram cerebri sedem explicatā reliquimus, dextram & sinistram cerebri partibus adeo ab inuicē manuum beneficio diremptis, ut callosi corporis superior sedes eleganter se hic spectandam offerat.

Ee 4 Dextra